

石城縣志卷七

紀事志

武事 祥異 古蹟 軼說

涇縣朱一謙纂輯



纂輯

石邑居省會東南隅勢非形勝土瘠民貧非必爭之地也然而界八閩近東粵複嶺邃谷跬步皆然自宋以來屢有嘯聚慘罹兵燹城郭焚燬邨落邱墟官斯土者若郭公堯京李公德明雷公塾及李公大謨皆能倉卒禦變保全城池特詳誌之為後固吾圉者資也至于前修陳跡先代遺基餘韻流風有關憑弔攷古者所不廢其



或街談巷語所流傳稗官野史之載筆蛇神牛鬼亦莊亦諧存而不論可也作紀事志

武事舊名兵寇

宋建炎四年庚戌虔州賊李敦仁舉兵破城邑人陳皓及子敏力戰斬李世昌生擒李世立復城至紹興二年敦仁等就撫悉授官隸諸軍贛州府志

紹定二年己丑九月土寇張遇龍文勝反於平固連破石城寧瑞興雩五縣安撫李壽明通判趙彥章督兵討平

王志

元至元二十六年己丑廣賊鍾明亮寇贛州掠寧都據秀嶺江西左丞管如德遣使招諭賊即擁十餘騎至石城

降王志



延祐二年乙卯四月寧都賊蔡五九聚眾鬼子寮五王廟  
張漢高旗幟殺趙同知圍州城燒四關勢甚猖獗奏遣  
張曠會江浙兵討之五王廟者寧妖祠也像設極魔怪  
人莫敢側目土人類縛生口以祭我軍見之畏縮押錄  
王禁叔獨奮義火之三火三滅乃取婦衣幕神首一火  
而燼自五王廟者妖祠本色弓兵宋伏成於木麻坑擒  
五九伏誅王

明正統十三年戊辰福建沙縣鄧茂七自稱閩王江西都  
指揮劉順籟衛指揮馮廣領兵一千來守十一月茂七  
黨陳椿八率眾數千入篁竹坑境邏者悞報止有賊四

五十人時邑令公出劉順易之遣百人入賊營時夜闌  
賊睡兵不知賊之多兵發火炮賊亦不知兵之少更會  
天寒出其不意殺賊數十又縛其部總湯社長以歸椿  
八大怒後三日盡率其眾攻城順復輕之又值城圯遂  
陷是年賊陳椿八又破城凡城內外民房縱火燒燼  
民間結茅以棲王

正德五年庚午程鄉賊黨葉芳等流劫各縣本邑城中民  
盡走避山寨城為一空時新任未到一二識者急招回  
流亡併集鄉民入城凡城圯處各捐私財修葺選勇備  
器以守明年辛未一歲中寇且六至其始也民兵鱗集



寇飛矢射城城上手接其箭反射殺賊又用標鎗暗插  
城下賊有被鎗而死者寇屯五日夜選精銳二百人衝  
擊賊營城上金鼓助喊賊亂自相殺傷因遁去以後寇  
至但屯一二日不敢近城志

正德七年壬申春正月南贛巡撫都御史周南率兵攻破  
大帽等山寨盡平之大帽山界江閩廣三省賊首張番  
壇李四仔鍾聰劉條黃鏞等聚徒數千流劫攻陷建寧  
寧化石城萬安諸縣志

嘉靖三十六年丁巳十一月二十二日閩寇過本邑寇南  
豐志

嘉靖三十九年庚申岑岡賊李文彪焚掠龍南遂合廣東  
流賊寇掠石城瑞金雩都南康贛縣進及泰和志

嘉靖四十年辛酉閩寇自寧化至攻城不克而去本年五  
月廣賊由汀州至圍城半月拆民居為天車高與城齊  
危甚守者銳矢斃其賊魁遂遁一歲兩攻不克者多藉  
典史雷塾力八月又從汀州經過城下寇廣昌 是年  
流寇亂土人避洪石寨者千計寨險守亦嚴會賊有幻  
術者能借物類蔽形名為挿青一日以刀與銀絹總覆  
以箕置寨土人見而喜拾以登寨賊挿青隨之夜半為  
內應遂破民墮崖而死者多於殺一二墮積屍上者免



嘉靖四十一年壬戌廣賊自廣昌入縣界知有備而去七月又自瑞金至本邑長江往寧化贛兵追敗之志

國朝順治二年乙酉九月石馬下吳萬乾倡永佃起田兵本

邑舊例每租一石收耗折一斗名為桶面萬乾借除桶面名糾集佃戶號田兵凡佃為之愚夫響應初轄除桶面後正租止納七八強悍霸佃稍有忤其議者徑擄入城中邑大户土著為多萬乾恣勢不能勝又要睽容網頭目鄭長春李誠吾連遠侯結党惑眾名綱義約王振初名集賢會糾寧都瑞金寧化等處客戶一歲圍城六

次城外及上水鄉村燬幾盡巡檢署俱燬志

二年丙戌五月賊首吳萬乾等統賊萬餘自初三日攻城上發大將軍銃賊有在騎馬嶺及厨嶺屯者被銃打死不計其數至初十早退上水及城中著戶逐殺賊強半志

四年丁亥五月方尚賢來署縣事賊首吳萬乾以厚賂乞見擲不納萬乾即踞石馬寨糾賊作孽方邑侯於本月初十日請兵捕勦侯天龍領馬步兵數千圍石馬寨射死萬乾子吳鶴萬乾卸寨走穴藏寧化界內旋為寧化緝獲殺之暴其尸波雷一族子滅家抄身戮族辱垂戒



多矣志

五年戊子二月賊有偽稱安恪王者入城招番天賊擾亂城居隨領入廣五月南昌叛將金聲桓遣匪党田廣業踞城是月廣賊黃昌率眾駐城為殃月餘八月廣賊黃徽引姪黃士英據通天寨明年流賊張自盛從寧都屯東龍十一月二十七夜嚴寒雨雪守禦者皆歸卧城中一二內應縱火北門內大喊賊先伏城外居民因火燭逼天未見賊而先亂賊乘機轟城署縣郭自修遇害擁典史吳遵文入東龍營罵賊不屈賊支解之城中百姓婦女遭殺擄明日通天寨黃士英賊眾繼至城中房屋

焚燬殆盡至七年庚寅二月上憲委武職于廷畫統兵來勦黃士英逃八月知縣董應譽請撤兵百姓安堵志十一年甲午瑞金劇賊許勝可等盤踞羅漢巖朝發夕至下水三里蹂躪殆盡知縣郭堯京請於上憲於八月內發兵剿平志

康熙十三年甲寅三藩叛逆石城界閩長汀兵八十等遂屯藍田作亂又會若干寧都受耿劄率眾來寇屯長江時汀逆賈振魯來寇屯南郊塔下逆黨高某屯山川背賊首吳八十等屯觀嶺騎馬嶺寧化留猪坑積寇黃久生屯郭北城中遂以六月十五日遭焚掠寇仍屯踞



石城縣志  
卷之七  
紀事志  
軍事  
七

索既乃移向寧都賴總戎劉進寶統兵來勦刻程至與賊遇賈逆敗走餘寇在石者於二十九晚俱遁七月初旬劉總戎入賊招復以隨師李照磨德明署縣事八月中閩寇竄早又率眾來轟城至九月重陽寧都協管中軍天祥提一旅從東龍來勦寇見即奔時值江漲渡河東走者多淹死管乃從大河上豐山屯半月而歸十一月內有陳益後者偽稱將軍擁賊數千駐下水署任李調鄉勇分路勦殺獲益後斬之頭大如斗王志

十五年丙辰二月寧早復率眾來寇佔踞通天岩沿岩一帶遭寇肆掠署縣李同駐防率兵弁鄉勇進勦岩徑崎仄巉劣官兵不能搃其策四月內汀逆蔡某至與竄寇合署縣李督民守禦每夜寇期以五鼓轟城縣偵知因命譙樓更鼓遲四於五寇至已近黎明我兵乘時勦殺積日殪之甚眾寇又堆青乘高窺城我兵燬之寇復作大梯橫坐兩逆從小西門來寇將近城梁勇士畢佛黃金璉溫赤肩梁口大石壓之梯折賊墜佛等探看俱被砲死城上守禦者亦以砲殪賊寇敗隨遁去王

新增

嘉慶八年癸亥十月齋匪廖廣周結連寧都李步高王定珍廣昌賴達中煽惑愚民聚眾數千謀逆以白布裹頭



石城縣志  
卷之二  
紀事志  
武事  
為號于十月十二日在廣昌姚坊姚姓宗祠暨旂舉事  
勢甚猖獗知縣李大謨命四鄉鄉勇各路堵截匪不得  
逞廖廣周等各被擒伏誅旬日匪平 上憲奏准賞功  
有差事詳奏中丞承恩奏摺并吳我山平匪紀畧  
秦撫憲撲滅教匪奏摺

為審明邪匪分別辦理地方寧靜恭摺具奏仰祈

聖鑒事竊照廣昌寧都石城三州縣邪匪滋事該管文武員  
弁鼓勵鄉勇既將首從逆匪先期撲滅其生擒匪黨及  
在逃餘犯經臣審明督同護贛州鎮花連布臬司銜齡  
及各委員馳往搜捕審辦計先後獲犯五百九十一名

內因傷故者四十九名現在五百四十二名連夜分別  
研訊緣江西各屬邪匪蔓延始於奸民吳子祥偽造大  
乘戒經于貴溪安仁臨川弋陽鉛山等縣詐騙愚民  
併傳授福建建寧縣民李凌魁為徒吳子祥故後李凌  
魁復過福建邵武府民吳韜傳授天地會內暗號因另  
造陰盤陽盤名目暗藏天地二字轉傳江西廣昌縣民  
賴達中石城縣民廖廣周李奇天寧都州民李步高胡  
儀書王定珍入教李凌魁自稱係唐天子轉世傳有秘  
訣四句天空降下一爐香一半陰來一半陽若得陰陽  
歸一處寅卯時中生朝堂密為煽誘欲于子丑年起事



嘉慶七年福建拿獲李凌魁正法廖廣周等各嘆息互相商謀妄稱嘉慶八年十月十二日亥時係癸亥癸亥癸酉癸亥為萬水朝宗之日豎立唐天子旂號私造如意圖書號票給發徒眾轉散糾人又以會合之時有同教素未謀面彼此不知姓名者總用硃畫三叉白布包頭為記議定廖廣周李步高賴達中等在廣昌寧都石城連界犬牙交錯之姚坊地方豎旂起事李奇天等在谷所住村庄豎旂糾人前往接應各帶矛頭短刀竹鎗先據駙前堡為巢穴眾皆允從廖廣周之徒徐先保等轉糾同教三百四十餘人李步高之徒溫志貼等轉糾

同教二百餘人賴達中之徒賴漢魁等轉糾同教三百餘人李奇天之徒李鸞交等轉糾同教三百八十餘人約共二千五百餘人廖廣周自稱總管李步高賴達中胡儀書王定珍為大頭目候臨期舉事不期十月初八以後該州縣大雨如注廖廣周李步高賴達中等同至姚坊聚集只有四百餘人李奇天王定珍胡儀書並所糾逆黨均為大雨阻隔以至不能如期畢至廖廣周二日夜亥時在姚姓宗祠祭旂即被大風將旂吹折各犯胆寒心怯思欲暫時歸散另行擇日起事適駙前堡紳耆士庶等雨夜團聚鄉勇嚴密防範地坊員弁亦即



于十二日夜帶領兵役前往十三日早駟前鄉勇探知  
兵役已到各奮力爭先前往掩捕該匪等猝不及防踉  
跟抵隔經鄉勇奮力勦殺登時殲斃賴達中等五十七  
名生擒賴漢魁等一百零四名兵勇受傷一十九人鄉  
勇陣亡四人餘匪紛紛逃走各卡鄉勇遇有白布包頭  
及藏弔票旂幟之犯查拿截殺又殲獲二百六十三名  
陸續擒獲送官者二十二名其寧都石城二屬均為大  
雨所阻各犯有率領徒衆前赴姚坊會齊者有探知廖  
廣周業已打敗中途潛回有甫在村庄豎旂即被族隣  
查知者以及姚坊打敗逃回各犯因該縣文武員弁已

有風聞分派兵役密諭鄉勇沿途設卡防範賊勢不能  
連格鄉勇人等見有白布裹頭攜帶軍器及搜獲逆詞  
旂號查拿截殺計寧都州境內殲斃者二百五十六名  
擒獲送官者三百一十八名受傷鄉勇六人石城境內  
殲斃者三百六十名陸續送官者一百二十九名鄉勇  
受傷二十三人此外瑞金縣拿獲十名永豐縣拿獲六  
名福建建寧縣拿獲解送歸案審辦一名尚未解到者  
八名臣率同臬司衡自廣昌寧都石城等州縣安撫居  
民委驗被殺屍首併提現獲名犯逐加研訊各供前情  
如一詰其同教匪黨寔有若干是何姓名籍貫有無線



石城縣志 卷之七  
索稽考據供鄉愚多不識字或有粗知字義之人誘其  
避難求福信從甚易且量力出錢安根多少不較既不  
擇地又不擇人隨到隨習此去彼來一人傳十十人傳  
百輾轉分誘寔不能指出確數若于是何姓名籍貫並  
無線索稽考反覆究詰隔別熬審眾供吻合似無遁飾  
查律載凡謀反不分首從皆凌遲處死又例載妄佈邪  
言煽惑人心斬決又律載左道煽惑為從者發黑龍江  
給索倫達呼爾為奴各等語廖廣周李步高賴達中李  
奇天胡儀書王定珍于李凌魁正法之後不知改悔輒  
敢糾眾滋事實屬罪大惡極均應照謀反不分首從律

皆凌遲處死賴漢魁等七十九名犯播揚妖言煽惑人  
心例擬斬立決以上各犯罪不容誅未便稍稽顯戮已  
于訊明後派委臬司衛會同臣標中軍楊恭請

上命先行正法分別臬示以彰國法而快人心賴達中李步

高廖廣周胡儀書先經兵勇格殺李奇天在監病故仍  
戮屍臬示照例緣坐許青福等三百一十七名聽從糾  
約事尚未成均應照左道煽惑為從發黑龍江索倫達  
呼爾為奴分別刺字即行起解毋容久留擁擠此外尚  
有一百餘名候質訊明確分別保釋各犯均以白布包  
頭原為自別党類而紳士鄉勇即視頭裹白布之犯擒



獲截殺百不失一實屬天禱其魂不使稽留雖倉猝之際無從分別姓名質之現獲各犯供稱實無妄拿情事亦無屍親出首身帶白布頭巾確鑿有據應即歸拿獲地坊審辦不必往返押解致有疎虞此後逃竄斷無敢將白布頭巾存留自取敗露之理如審係同謀助逆者即行正法悔悟逃匿者各照例發遣不必更以白布頭巾定其真偽以免誣拿其或事後潛回為親族鄰里拿獲者責令送官審定明正典刑不許私行擅殺至事發之後親屬自將入教子弟殺斃網縛送官或本犯畏罪投河自縊者寬其父兄約束之罪概免株連各犯所管

保長是否通同容隱查明分別治罪該犯等係在姚姓宗祠祭旂查江西民風同姓建立宗祠往往滋事曾於乾隆二十八年經前撫臣奏准分別城鄉酌留改拆今姚姓宗祠既有匪黨停留其鄉寺廟亦必有似此藏垢納污者一併拆毀入官絕其托足之所各犯帶傷入監身故均係逆犯管獄官免其查叅起獲軍器旂幟白布包頭符咒分別銷毀變價吳子祥原編經卷本無違悖語句乾隆十八年荷蒙

高宗純皇帝省釋後旋即身故迨後各徒承默寫原經誑誘騙錢有原經佛祖老爺字樣捏為老爺教者將原經內存



石城縣志 卷之四  
觀音老母字樣者捏為老母教此暗中傳授相沿至今  
已逾二十餘年種類雖多尚皆安靜該管地坊官只可  
徐徐化導令其改悔毋事紛查致滋驚擾李凌魁捏造  
陰盤陽盤教名目妄稱傳留秘訣引誘悖逆致愚民被  
惑肆行無忌流毒生靈神人共憤已經福建省拿獲正  
法亦毋庸議賊匪蠢動之時驚避良民均已復業且旋  
起旋滅並無一人受害而伊匪等定期滋事大雨如注  
匪党隔截無從連絡不能如約而至此皆我

皇上愛養黎元感格

上蒼默佑所至萬姓歡呼同聲感誦臣于經臨之時耆士老幼

焚香跪求咸稱各犯懇請盡法懲治勿留遺孽臣以情  
重各犯業已駢誅經此一番懲創匪徒自必喪胆情節  
稍輕之犯仰懇

天恩貸其一死發遣異地足知炯戒

聖人在上魑魅潛消毋俟盡人而誅絕其自新之路推誠開  
導該紳士等咸知領會甚為歡忻感戴仍令藩司先臬  
司衡刊刻粗淺告示分派幹員恭賚

聖諭廣訓親赴各州縣村落挨家逐戶化導勸諭就中相度地

勢而為指示令其守望相助晝夜巡防務使萌孽不生  
根株永絕統俟查竣如果城廂之員認真出力著有成



石城縣志 卷之七  
効併此次在事文武員弁分別功過另行專摺具奏以示懲勸陣亡鄉勇賴從尤賴興榮許興典賴華旦四人臣已照例賞卹仍遵

旨丁昭忠祠內設立牌位以安忠魂兵勇受傷者按照等次分賞銀醫調治務期痊愈鄉勇內有擒拿首逆者優加賞資奮勇出力者酌賞銀牌各州縣紳耆士庶深明大義協力同心富者捐資貧者出力争先効命衆志成城旬日之內撲滅匪徒洵堪嘉尚另容查明具奏恭懇聖恩分別獎勵兵丁歸伍後各路台站以次捲撤除備錄各供咨部并將已獲賊匪布旗號票編造逆詞咨送軍機

外所有審擬緣由另寫名單恭摺馳奏伏乞

皇上睿鑒臣拜摺後即同臬司先後回省合併陳明謹

奏此案詳巔末以資後考因備錄全奏

縣詳勒匪出力奉

上員官賞職賞匾賞坊姓名列後

監生廖皆堂名選元豐上里新坊人首先報信捐賞募勇撲滅匪類經撫憲秦論功議叙與許縉同奉

旨以縣丞用嘉慶九年選授浙江金華府東陽縣縣丞蒞任六載以病回籍

監生許朝陽名縉石上里豐山人捐賞團練鄉勇撲滅



石城縣志  
教匪有功選授浙江湖州府武康縣縣丞

生員溫仁夫賞訓導職銜

監生李益夫 李益蕃 監生李勝波 溫受民賞八

品職銜

廩生李藻首先勸諭捐資募雇鄉勇并經理守城一切

事務

拔貢黃光 附貢黃德穎 從九黃集初 武舉廖

聯輝 監生黃德龍 武生黃錦麟 童生廖林輝

七人帶領鄉勇分門守城雨衣不懈最著勤勞

貢生溫大鵬 職員溫廷勳 生員黃象通 生員溫

志仁 生員陳春聯 生員熊華榜 生員黃流瓚

七人俱係團練鄉勇堵守近城各路隘口日夜偵探

賊匪併有擒獲極為奮勉

廩生許瓊 增生陳靜田 生員溫衣錦 生員溫

雲章 生員陳騰光 監生鄭儀廷 監生徐希勳

生員李騰鳳 監生賴錫天 監生廖金堂 監生鄧

質倫 武生傅百朋

十二人俱係在鄉團練鄉勇各路防堵並多擒獲著

名賊匪最為出力

貢生黃春 監生熊錫光 監生李文光



三人俱能捐貲以資募雇鄉勇守城等費均屬急公尚義

監生李濟才 家本不富首先捐穀一百石以給鄉勇資糧相偕日夜守城頗著義勇

廩生黃經綸 雨夜單身冒險奔赴州城採兵

職員黃德鉉 監生陳達五

二人辦公勤勞

以上三十四人奉

恩各賜才蔚干城匾額

拔貢劉正育 貢生黃飛鳳 貢生李文莊 貢生張

永川 貢生廖鵬飛 貢生鄧偉昆 貢生熊躍潛

貢生鄧臚廷 貢生劉朋舉 廩生許楚珍 廩生溫

肇璜 廩生黃乃觀 廩生溫緝純 生員陳愛周

生員溫五章 生員黃廷佩 生員溫雲從 生員賴

炳文 生員廖乃光 生員楊國英 生員楊聯藻

生員李達春 生員陳思寅 生員陳炯 生員賴

光晷 生員陳一風 生員廖維尊 生員廖享萬

生員陳允升 生員陳步堯 生員陳式松 生員李

邦直 生員劉炳若 武生謝廷揚 武生溫祐三

武生黃師中 武生陳蓮 武生陳一爵 武生黃



映春 武生黃 韜 職員溫影太 職員熊禮宗

職員熊禮東 職員廖 攸 監生溫尚榮 監生黃

元勳 監生溫彰彩 監生陳艷軒 監生廖一山

監生溫紹虞 監生溫錦回 監生熊先河 監生廖

輔廷 監生黃崇文 監生鄧儒俊 監生何魯川

監生周世榮 監生鄭瑞鳴 監生賴耀魁 監生鄧

聖儔 監生廖序實 監生李良波 監生溫琢瓊

監生熊禮坤 監生曾雅賓 監生賴為賢 監生黃

理中 監生陳英才 監生黃耀寰 監生陳旭華

監生廖國謨 監生廖和廷 監生李培福 監生李

元錦 監生溫家源 監生黃國華 監生廖輝堂

監生廖 賡 監生賴裕光 監生黃令昭 監生黃

郁莊 監生溫學泰 黃魏廷 陳 煜 謝廷鴻

陳殿華 賴光祖 監生陳廷爵 監生陳芝蘭 監

生陳士元 監生陳朝俊 陳鴻儀 謝廷清 賴翠

員 羅甫臣 賴哲懷 賴 寅 監生黃顯猷 溫

愚田 溫振常 李友朋 黃明高 羅英海 廖天

宜 廖海瀾 陳文美 許富子 周秀榮 鄧郁才

溫成章 張如山 溫習如 陳步九 許鳳廷 李

作英 李序彰 黃達軒 溫新丁 廖異才 廖仁



山 李應瑞 監生許集瀾 監生許步騰 職員許  
邦榮 陳魁光 熊迪懷 李祖元 溫北廷 溫重  
玉 陳洪波 陳明新 許呈萬 黃為恭 陳翠林  
謝廷桂 謝朝佑 謝朝辰 賴維成 賴元戎 何  
雅文 李萬資 何會清 黃茂春 黃賢佐 戴友  
蘭 余永滿 溫德亮 劉盛廷 溫友韓 溫席聘  
劉翠東 劉夫珍 劉文珍 劉勝求 劉居瑾 劉  
光藜 劉炳宗 劉仁育 劉叙先 汪錦瀾 何德  
昭 李振邦 張賀廷 謝衍三 賴明照 黃慶堂  
張松山 黃鳳廷 溫瑞員 黃馥春 張歲千 張

用詳 陳詳賀 陳瑞呈 陳錦章 賴加福 賴昌  
繁 賴坤才 賴象侶 吳沛豐 曾寶南 許祥廷  
張學南 溫曉堂 溫岳峯 陳盛也 巫權周 李  
集來 吳士奇 廖進如 廖列川 許光榮 許廣  
員 周方遠 許光銘 何日成 生員鄧榮桂 溫  
福祥 陳拔犀 黃發祥 溫必祥 陳達行 黃盛  
周 溫魯芹 溫運堂 賴翠雲 溫位隆 陳希賢  
溫聖傳 陳允川 潘童萬 何春榮 賴亮彩 廖  
訓廷 廖壽余 廖兆居 廖荆綠 廖勝兆 李僑  
與 賴維楨 陳蓮清 黃紹勳 李象翰 李殷六



生員李懷新 陳柏春 吳湧濤 黃典韶 黃配光

劉應山 黃俊揚

以上二百三十一人在各處團練守禦出力撲滅邪

匪奉

旨賞建義以為尚坊表

祥異

宋大中祥符八年乙卯李獵石之崖產芝九莖府志

明正統五年庚申歲大祲詔勸郡縣富民出粟賑荒應詔

者旌之志

正德十一年丙子四月二十六至二十九日連雨大水志

嘉靖三十五年丙辰大水西門內水高齊屋城鄉溺死者

不可勝紀次年丁巳復大水志

四十三年甲子冬雪深三尺一月不消次年大稔志

隆慶四年庚午魚滿江溯流而上漁者不施網罟次年大

豐志



是年虎盛行

萬曆二十六年戊戌九月城中失火延燒過半不堪因取

石城縣牌投火牌燼火滅縣志

二十九年辛丑大疫縣志

崇禎十年丁丑元旦日食縣志

十五年壬午大水是年秋禮上里賴必書家閣潔雄鷄生

八那縣志

國朝順治七年庚寅洪水決城街壞隘前數處縣志

八年辛卯五月初三日大水虎盛行縣志

康熙十年辛亥夏間大水衝斷隘上堤路至北關門限深

幾四五尺縣志

三十六年丁丑邑大饑贛州府志

五十二年癸巳五月十二日邑河橫流洶湧去塚口止一

尺浸入城中壞廬舍墻垣漂沒四鄉田畝數十處合圍

大木皆拔起人畜溺死頗多邑令取石城縣牌投水後

稍定縣志

五十三年甲午五月十二日復大水如前縣志

五十六年丁酉郡城三潮井在郡廉泉旁井日三潮因名明末潮信不至見贛州府志

鳴聲如隱雷數日不息時張真人在郡占為祥瑞是年

本邑劉寅鄉試第一會昌王廷揚武榜復第一縣志



石城縣志  
六十年辛丑大旱志

雍正五年丁未夏大水決衝北關外隘前路俗誤認自此  
遂建木橋赴興隆街志

六年戊申大旱志

十年壬子十三年乙卯乾隆元年丙辰儒學訓導署前廳  
墀有桃一樹每至八月花發如丹砂滿株艷麗九月華  
後不謝三歲皆大比之期頗有人文之驗志

是年南關城上七姑廟鐘鳴志

乾隆二年丁巳邑北關黃承瑛妻李氏一產三男

七年壬戌季春及初夏四十日不雨附郭鄉村艱於播種

谷價早暮疊增邑侯王士侔齋肅祈雨每日牒告城隍  
廟免冠跪暴日中燃香三炷盡乃起如是者十日得雨

志

八年癸亥二月三十日郡試院歲試寧石二縣文童辰刻  
暴風吹折考棚壓死邑童生一十七人寧都死二十餘  
人總鎮章隆巡道朱陵太守汪宏禧聞災領弁役携鍬  
鋤掘頽垣撤楹榭以救殘喘得甦者不勝計太守捐俸  
賻恤死者給銀四兩傷者二兩親臨奠祭章云占碑半  
生欲向芹宮發軔功名兩字竟成旅櫬遊魂別父兄妻  
子而來購青衫於一日隨雷雨風雲而去含珠淚於九



石城縣志 卷七  
泉况屬揭陽名區琴江勝地或效白茅先生之孝或思  
熊麻父子之仁非惟文比蒙泉學能實踐亦且才同溫  
革志博群書挾策求名乃歲科之鉅典圖榮致死實文  
字之奇災可憐棟折榱崩正在吮墨濡毫之際詎料蘭  
摧玉碎恰逢爭雄角勝之時專諉其人之命數耶何以  
慰安乎骨肉轉思本府之罪戾也不應迂怒於儒生弔  
地呼天童子皆吾赤子傷心慘目文風遭爾暴風江上  
剪紙招魂不乏喪明卜氏場中撫棺泣血須知短算顏  
回倘以臨履為慚悟附贅懸疣之言而此憾已釋如曰  
懷才未展想鼠肝虫臂之化而餘恨俱消蓋生寄死歸

者死亦仍靈果存順沒寧焉沒不為厲咎將誰屬理固  
厥彰謹具酒漿鑿此微忱合颺應試生童無不感服隨  
移院試於府署西偏以竣試事復建文學祠於院署門  
右以妥幽魂 學憲金德瑛遣廣文致祭田螺嶺時既  
此奠詞愷側動人祭章云始虹始電當少陽布德之時  
采藻采芹正多士觀光之會紫氣傍金精騰上青雲自  
樓蓋飛來睠此地靈方析刮目倏然天變共切驚心白  
日早暝雷聞聞而交震黑風長吼電轟轟以多稜文場  
四壁忽崩試席千行如沸推敲未輟乃生無妄之災傾  
覆莫支實抱同人之痛隕文星於地下多折足而破顧



石城縣志 卷八  
掘秀骨於土中尚懷鉛而握槩同時絕命屍橫絳帳之前旅郎招魂淚洒青氊之隊名雖爭乎蝸角死豈等於鴻毛路競號咷家傳凶問倚閭增悵人人斷憶子之腸破鏡興悲處處化望夫之石誰無兄弟鴈斷一行亦有婚姻烏瞻誰屋然而孽降自天窮歸定數開元名士題名甫畢而溺由江熙寧舉人應舉方來而燼詞部斯文不偶自古為然此事大奇於今復見長官愛士既致賻以恤存亡使者憐才更登書而稽名氏青衿遍給聊慰孤靈白酒齊斟更陳俎奠所願忿中蠲忿憂處亡憂死者有知尚託沒寧之學歸兮無緩須依耐食之班

人給死者衣頂被災姓名附列於左

陳國謨	黃惟夏	黃九臯	熊亮	黃業廣
廖夢龍	賴調元	姜昌朝	楊枚	李時功
陳生寬	黃先畧	陳慶用	李大謨	賴顯嵩
李煥	賴應珣			

九年甲子正月上水鄭裡坊園地二三處雨米及豆二月二十八日下水頭中嶺龍岡甌裡三四處雨穀米及豆俱深赤色豆種土中苗三出長寸許無根

按自乾隆乙丑修志之年閱今三十六載而祥異顧不一書非闕也生當



石城縣志 卷八  
聖人之世年穀豐稔人民和樂祥莫大焉雖乾隆辛未甲申甲午三年皆大水然漂沒僅沿溪郭屋溺斃男女不滿十口衝決田地畝數無多並不成災亦無可異故不書非獨今也即舊志所載亦多無足異者然則曷為不刪流傳既久刪之適啟輕抹之譏存之則有識自辨譌

新增

嘉慶五年庚申七月十四日薄暮甚雨連三日夜大水田宅淹沒城垣傾塌

二十五年庚辰夏訖冬邑大疫死者無算越明年春斗米

四百錢

道光二年壬午歲大有

三年癸未歲大有



古蹟

琴江書院 縣治西北城隍廟右始建自宋後於此廢基  
內建府館館復別徙

昇仙臺 縣北太極觀後舊傳宋大中祥符間徐王二道  
士於此登仙

監書樓 在柏中里堂下宋皇祐間邑人溫草建藏監書  
以教遠近學者中有講堂義館洗硯池盱江李觀為之  
記

揖仙閣 邑東北舊名雙溪閣圯于洪水宋慶元二年丙  
辰縣令黃度重建以面仙姑嶺

改名揖仙



雲川亭 在縣西舊名秀光宋慶元六年庚申知縣事楊

正重修府志

宋進士盧炤宅 縣西十里地名盧居塢

宋侍郎張文郁宅 縣西五里地名觀下

太平樓 邑河背大坪頭宋邑人劉肖賢建

放生池 縣西永福寺前宋紹興十三年癸亥詔天下各

置放生池

龍門書院 在西關外騎馬嶺明萬曆二十年壬辰知縣

尹恩敬建

唐侯遺愛亭 城西河畔三里內立知縣唐繼顏去思碑

讀書亭 在龍門書院前明萬曆三十五年丁未知縣黃

廷鳳建并記碑

楊時寨 宋熙寧中楊時聞南豐曾肇忤大臣安置汀州  
造訪經站嶺聞警避此寧化志曰楊公嶺以上今俱廢



軼說

宋真宗治平初大水鄉人有於石城西港白石灘獲碑數片其文不全有云太原王氏女金陵韓守真戊辰年八月葬在石城西又云口為弓兮月為箭射四方生改變千年萬年松柏風悲盡死亡人不見

能政齋漫錄

石城縣尉廳久以兵廢寓治於僧寺之屋分隔大溪溪上

有橋尉舍在西

舊志廢跡載縣尉在隔河東南實

每出

久必從橋後橋遭水圯嘗乘小艇往來多窘風濤乃徙

于東邊而故為宗子所占仍治隙卜城地為菜圃其處

舊有南安巖主祠

舊志廢蹟載祠在縣治界內

紹熙中福唐人曾愈



為主尉夢巖主訴曰吾之居若種菜用糞穢之惱使不  
得安跡君盍仍舊貫向來不過慮風自此不復有矣曾  
謝曰敢不聽他日又來曰宜以今日去稍遲留定貽幡  
竿入水之撓雖不至深害亦費詞說曾覺而沉思不曉  
其所取憲書尚郭二志誤作官歷檢視又曰不及吉議以翌旦遷  
邑人陳元功太尉子孝家者居寺門外携富室潘生置  
酒餞別曾西遷未幾市頑有不相樂者訐與部民促尚  
志亦膝驩飲興訟於州擾擾數月乃定始悟幡竿入水  
為潘字使當時即日西遷則無矣夷堅志

邑永福寺對面有邱隴高且十丈相傳為陳恭公祖墓未

嘗有人祭掃是否莫能知宋光宗紹興四年癸丑道人  
鄭瑄為主簿以其處軒敞可遠眺欲平治隴首亭其上  
工料已具僧徒交勸不可止因委其事於吏葉愿愿夜  
直宿書齋夢騶導陸續傳呼太師且至一金紫人坐肩  
輿而來呼愿曰我宅於西岡將二百載爾輩何得侵犯  
愿怖汗而寤亟以白瑄遂寢其役夷堅志永福寺即今  
相傳在司前  
尉嶺郭志

邑豐義里小民何百九父子濟惡以屠牛為業嘗坐事編  
隸南安遇赦得歸宋光宗紹熙四年春主簿鄭瑄因公  
事至其里適見百九解牛有箴皮小片僅三寸割而擲



之其子五仔從旁過正著其右目揭之不落即時生合  
長黑毛指誤觸則痛楚異常人以為業報云尚志

宋紹熙中知縣呂大年冬月賑米見一民左目圈内突出  
一贅下垂過膝用紗帛包束解視之眸子在其表閃爍  
可畏此業疾也夷堅志

楊過後名士奇泰和人洪武中賴守辟攝石城學事夜半  
讀書鬼一群借觀學印過按劍叱之次日開匣印無有  
也及避匿武昌印乃復出後授知於解縉為易名保奏  
初任吉安府教授歷官至大學士謚文貞註

溫寧字子康石上里人素有文譽永樂間會試府志作入鄉試誤

首場出錄其文示諸名士無不元之者及次場鬼竊其  
頭中不得入比晝頭中復還巾箱後場中果擬元以不  
得二三場而黜後見主司握手慰籍王志參賴州府志

烏石嶂其上初無祠宇登者甚少嘉靖二十八年乙酉有  
一人從巔而下修潔可愛詢之云到西華謁仙來人因  
相隨至頂有一香爐在焉香氣襲人衣數日不散自是  
遠近祈禳靈應不數月得金數百鑿路建祠祀三仙銅  
像人因呼烏石嶂為西華山王志參賴州府志

石上里豐山許立卓夫婦皆長厚喜施濟逢朔望同往三  
峯寺祈嗣極其誠懇寺一老僧戒律甚嚴偶過市見一



石城縣志  
卷之七  
群雛難爭啄生虫惟一雛勿啄僧買勿啄者養之歲餘  
我冠修尾潔白一雄日遠佛殿不遺一矢夜必飛棲西  
廊之梁聞僧誦經則喉間格格相答忽死獻夢於僧曰  
我往許立卓家投胎矣師來當拔我左脇之毛他日僧  
詣卓卓喜為治齋曰賴佛得兒奈苦啼何僧以夢告卓  
取兒示之脇果有白雞毛拔之啼遂止僧命名玉器比  
長伶俐精巧其人如玉儵然一偉丈夫也志

嘉靖四十年辛酉流寇屯營陽河遙見一人坐雉堞上伸  
兩足於城下河中濯之少頃又見一人金甲焜耀向雉  
堞上走馬賊相謂曰聞北方土神最顯洵然遂引去志

石上里黃坊有黃老人月夜往城遇溪邊一老挽雙髻鬚  
髮如雪曰老病忌寒水煩負我黃私度既老病何夜行  
必鬼也放膽繫負兩臂不釋疾走鬼始威嚇繼又詈罵  
久惟哀詞求脫黃百不聽比曉化為白牡羊會祭祀賣  
之買者置圈中須臾烏有黃料鬼必修怨夜果有叩門  
者囑嫗答曰吾家老人入去捉鬼賣矣鬼驚去志

萬歷十四年丙戌龍上里富翁黃某禮觀音大士用金鑄  
像銀鑄香爐再傳以健訟家落毀爐將及像夜遂飛去  
里有山名流古石者據潭頭峭壁千尋中有一竅金觀  
音在焉謁者絡繹不絕數年復飛去志



萬歷三十六年戊申有朱繼忠者為人信寔生平見三異  
事往園見滿潭皆魚自潭面至潭底密不容髮取薪投  
之堅挿上指往瑞金見滿潭皆蟹往會昌見滿潭皆蛇  
其極多之狀皆如魚起

邑學中熊兆正夜歸自楓嶺腦一石拋逐其後屬其收拾  
之以歸剖而得玉馬玉工斷一盃謹志

邑大琴距白土觀五里觀距城四十里觀一老道士與大  
琴數秀才同在城時三伏天欲歸俱無傘道士曰但跟  
着我行自不必傘須臾雲起一朵遮送四十里分路處  
雲直遮道士歸觀覆屋不飛數秀才冒暑曝歸共歎道

### 士術之神也

龍上里有黃某者夏日運谷浴於潭見小蛇啣一珠奪而  
吞之遂謂其侶曰急報我母妻來見肩以下皆成鱗甲  
唯頭面未變淚而不言須臾滿江浪起風雨大作竟不  
知所向謹志

萬曆年間柏中里福村曠墩有野馬一匹掙蹄馳驟莫可  
控馭大將劉珽過其地獲之洗於河毛間文理鱗甲燦

然後遂名其墩為養馬墩俗訛羊毛墩河為洗馬潭王

康熙十六年丁巳閩汀偽將劉應麟攻城每鄉勇鏖戰隱  
見一將於煙霧中揮戈督陣遺巨靴跡於堰上衆目爭



石城縣志 卷八  
觀 是年流寇攻城有餽署縣李德明生羊者將宰款  
容報賊至遂止獻 闕聖廟祝曰賊退以此祀神後鄉  
勇每出戰羊為前鋒五戰五捷奪炮奪旗刈賊無美寇  
退署縣不忍殺羊以猪享廟後禮懺畢羊死焚而瘞之西關外厨嶺  
祈福羊隨班遠佛座懺畢羊死焚而瘞之西關外厨嶺  
路側碑曰神羊之墓 王

中華民國廿四年五月七日 收到

鈔

2811



石城縣志卷七終